

钦定仪礼义疏

欽定儀禮文疏

欽定儀禮義疏卷第十

鄉射禮第五之三

賓北面坐取俎西之觶興。阼階上北面酬主人。
主人降席立于賓東。

正義賈氏公彥曰。俎西之觶。謂上一人舉觶于賓。賓奠

于薦西者也。

賓坐奠觶拜。執觶興。主人答拜。賓不祭。卒觶不
拜。不洗。賓之進東南面。主人阼階上北面拜。賓

少退。主人進受觶。賓主人之西北面拜送。賓揖就席。

正義 鄭氏康成曰。所不者。酬而禮殺也。賓立飲。

主人以觶適西階上。酬大夫。大夫降席。立于主人之西。如賓酬主人之禮。主人揖就席。

正義 鄭氏康成曰。其既實觶。進西南面立。鄉所酬。

賈

氏公彥曰。云以觶者。旅酬恆執此觶以相酬。

若無大夫。則長受酬亦如之。

長知丈反

正義

鄭氏康成曰。長謂以長幼之次酬衆賓。

賈疏言三賓也。

敖氏繼公曰。長謂衆賓之長也。此惟據主人所酬者而言。大夫若衆。則相酬辯乃及長也。酬者而曰某酬某子。

司正升自西階。相旅作受酬者曰。某酬某子。受

酬者降席。

相息亮反。

正義

鄭氏康成曰。某者。字也。某子者。氏也。稱酬者之字。

受酬者曰某子。尊之也。春秋傳曰。字不若子。

賈疏莊十年公羊傳。

敖氏繼公曰。此謂大夫酬長若長相酬之時也。司正

稱酬者之字。稱受酬者某子。彼此之辭也。此主爲酬者。命受酬者。緣酬者之意。欲尊敬所酬。故於此言字。於彼言子。

存疑 鄭氏康成曰。此言某酬某子者。射禮略於飲酒。飲酒言某子受酬。以飲酒爲主。酬者曰某酬某子受

案 司正之相旅。猶司射之比耦也。相旅而曰某酬某子。猶比耦之言子與某子射也。相旅而曰某子受酬。猶比耦之言某御於子也。蓋當兩告之。某子受酬之云。卽所

以作受酬者也。鄉飲酒禮不言作受酬者。故其辭曰某子受酬。爲受酬者言之也。此經旣言作受酬者。故曰某酬某子。爲酬者言之也。二經亦互見爲義耳。

司正退立于西序端東面。

正義 鄭氏康成曰：退立，俟後酬者也。始升相立階西北

面。

衆受酬者拜興飲。皆如賓酬主人之禮。辯遂酬在下者。皆升受酬于西階上。卒受者以觶降奠。

于篚司正降復位

辯音遍

正義鄭氏康成曰在下謂賓黨也鄉飲酒記曰主人之

贊者西面北上不與無算爵然後與此異於賓 敖氏

繼公曰在下者迭升受酬亦如上禮可知

案鄉飲酒禮衆受酬者受自左

右旅酬

使二人舉觶于賓與大夫

正義敖氏繼公曰至是乃并舉觶于大夫者異之也

鄉飲酒禮。舉觶于賓介。此無介。故于大夫。二人主人之贊者。已見鄉飲禮。

舉觶者皆洗觶。升實之。西階上北面。皆坐奠觶拜。執觶興。賓與大夫皆席末答拜。舉觶者皆坐祭。遂飲卒觶。興坐奠觶拜。執觶興。賓與大夫皆答拜。

正義

敖氏繼公曰。大夫席末。席東端也。

舉觶者逆降。洗。升實觶。皆立于西階上。北面東

上賓與大夫拜。舉觶者皆進。坐奠于薦右。賓與大夫辭。坐受觶以興。舉觶者退反位。皆拜送。乃降。賓與大夫坐反奠于其所興。注坐反古文曰反坐

正義

敖氏繼公曰。東上。舉于賓者在右也。此奠于其所。

亦少違其故處。而在其俎之西也。於此言興。見其無事則不坐也。鄭氏康成曰。坐奠之不敢授辭。辭其坐奠觶。

正義

鄉飲酒禮。賓介異面。故賓奠于薦西。介奠于薦南。皆

其右也。此賓與大夫同面。故止言薦右。而受命。

若無大夫則唯賓。

正義 敖氏繼公曰。言此者。明不舉觶于衆賓之長。此二

人舉觶。雖曰正禮。然無大夫。則闕一人。以其禮唯當行於尊者耳。

存疑 鄭氏康成曰。長一人舉觶。如燕禮媵爵之爲。

案 注所謂長一人者。於二人中。其一人長者也。燕禮承二人媵爵之後。故有兩也。此前無二人舉觶之節。則若

無大夫惟當一人舉觶。如旅酬之爲不得如燕之媵爵矣。

右二人舉觶

司正升自西階。阼階上受命于主人。適西階上。北面請坐于賓。賓辭以俎。反命于主人。主人曰。請徹俎。賓許。司正降自西階。階前命弟子俟徹俎。



敖氏繼公曰。司正升阼階上。北面而受命。鄭氏

原书缺页

原书缺页

正義鄭氏康成曰。以東授主人侍者。敖氏繼公曰。主

人取俎。未必在司正出門之後。上文蓋終言之耳。西面

立。階東當序位。

案先言以東。而後言主人降。明主人之降亦從俎也。

大夫取俎還授弟子。弟子以降自西階。遂出授從者。大夫從之降。立于賓南。從者才用反

正義鄭氏康成曰。凡言還者。明取俎各自鄉其席。

正義燕禮。賓卿大夫皆自以俎出者。尊君也。此敵禮。故使

司正及弟子代爲出俎。賓大夫惟降階下而已。

衆賓皆降。立于大夫之南。少退。北上。

正義 賈氏公彥曰。三賓無俎亦從降。知將燕。故同降同

升也。

右徹俎

主人以賓揖讓。說屨乃升。大夫及衆賓皆說屨

升坐。說吐活反

正義 鄭氏康成曰。說屨者。將坐。空屨褻賤。不宜居堂也。

說屨則摳衣爲其被地。敖氏繼公曰。亦當說屨乃指讓如飲酒之禮。特立文異耳。

右說屨升坐

乃羞。

正義 鄭氏康成曰。燕設啗具。所以案酒。

無算爵。使二人舉觶。賓與大夫不興。取奠。觶飲。

卒觶不拜。

正義 鄭氏康成曰。二人。謂鄉者二人也。使之升立于西。